

# KIAK IHA TIMOR-LESTE IHA TINAN 2014

## EPIZODIU INTERNASIONÁL BA KIAK NIAN

Nasaun nebe mak hili ona	Periodu	Media pontu persentajem redusaun iha tinan ida
--------------------------	---------	--

**Nasaun sira g7+ no afetadu husi fragil no konfliitu ne'ebé maka hili ona hanesan tuir mai ne'e:**

Burundi	1998-2006	0.8
Chad	2003-2011	3.1
Congo	2004-2012	1.9
Haiti	2001-2012	0.2
Sierra Leone	2003-2011	0.8
Togo	2006-2011	0.3
<b>Timor Leste</b>	<b>2007-2014</b>	<b>2.4</b>

**Nasaun sira seluk**

China	2002-2010	1.5
Indonesia	2005-2010	0.9
India	2001-2011	2.5

Maske hare ba liña nasional ka internasional kiak nian, númeru hirak ne'e hatudu katak Timor-Leste iha progresu ne'ebé lais iha hasa'e kualidade moris iha kiak sira.


## DESEMPEÑU IHA INDIKADORES LAÓS -MONETARIU

Hanesan haktuir iha grau kiak nian ne'ebé tun, indikadores hatudu katak iha mellhoramentu entre tinan 2007 ho 2014. Tabela iha kraik hatudu iha mellhoramentu nasional ne'ebé signifikativu ba asesu servisu báziku, liu-liu asesu ba eletrisidade, edukasaun labarik sira, no kondisaun saúde labarik ne'ebé di'ak liu. Mudansa diak ne'e mos bele hare iha asesu ba facilidade sanitasaun no asesu ba be mos. Iha mos aumentu signifikativu ba iha asesu telemovel no TV, Motor, no aparellu hanesan ventuiña no rice cooker elétriku.

## DESEMPEÑU GERAL IHA DIMENSAUN XAVE KIAK NIAN

(% Husi populaun moris iha uma-kain...)	2007	2014
Ho ligasaun ba eletrisidade	36	72
Ho sanitasaun ne'ebé di'ak	42	60
Ho asesu ba be mos	60	75
Ho kualidade rai ne'ebé diak liu iha sira nian hela fatin	39	52
Ho oan hotu escola	58	83
Laiha problema ho kreka ba oan tinan 5 ba kraik	65	84
Laiha problema ba kreka ba labarik tinan 5 ba kraik.	62	76
Laiha problema sofre malangus ba oan ho tinan 5 ba kraik.	80	93

## NAIN BA SASAN NEBE KONSUMU / USA



Fonte: Padraun Moris nian iha Timor-Leste - 3, 2014



Diresaun Jeral Estatística foin lalais ne'e kompleta ona Peskiza kona ba Padraun Moris nian iha Timor-Leste (PPMTL-3) ba tinan 2014-15, lha série datoluk peskiza nian nebe halao nasionalmente representa sukat padraun moris iha Timor-Leste. PPMTL hatudu redusaun kiak ida nebe sikenfikante tebes iha Timor-Leste iha tinan sanulu liu ba nia laran. Bazeia ba liña nasional kiak-nian, proporsaun timoroan moris iha kiak laran tun husi 50.4% iha tinan 2007 to ba estimativa 41.8% iha tinan 2014. Estimativa kiak nian ida ne'e hatudu sasukat kiak ida akurado duni iha Timor-Leste tuir kondisaun lokal maibe laos diretamente komparavel ho taxa kiak nian husi rai seluk. Bazeia ba sasukat komparavel internasional kiak ekstremu liu ho \$1.90 kada kapita ba ema ida (iha tinan 2011 ho ekivalensia forsa hola ho dolar), kiak iha Timor-Leste monu husi 47.2% iha 2007 ba 30.3% iha 2014.

## XAVE LALAOK UZA IHA SUKAT KIAT

- 01** Total despeza konsumu hodi sukat padraun moris diak.
- 02** Liña kiak ida, ne'e haktuir iha despeza konsumu kada kapita, defini hanesan valor monitariu ho kaloria ai-han 2,100 loron ida, moris iha uma ho kuartu rúa ho sanitasaun ne'ebe diak no asesu ba eletrisidade, no nível konsumu koresponde ba nível konsumu ho la'ós-ai-han no fasilitade.
- 03** Indisiu númeru kolaboradores kiak maka konta hanesan proporsaun husi total populasaun iha liña kiak nian okos.



## LIÑA KIAK NIAN IHA KOMPONENTE TOLU:

1. Liña ai-han kiak nian;
2. Liña aluga kiak nian; no
3. Liña la'ós-ai-han, la'ós-aluga kiak nian.


Liña ai-han kiak nian hatudu folin lolos hahan timoroan nian ho kaloria 2,100 ba ema ida. Liña aluga kiak nian bazeia ba folin hira maka kusta aluga uma báziku ida ho kuartu rúa, didin-lolon li'ur ne'ebe diak, sanitasaun nebe diak no asesu ba eletrisidade. Liña la'ós-ai-han, la'ós-aluga kiak nian maka osan mínimu ne'ebe presiza hodi hola buat esensial seluk.

## SUMÁRIU RESULTADU KIAK NIAN

Peskiza ne'e hatudu katak uma kain nian despeza sa'e maka'as durante tinan 7 liu ba to'o 2014, nune'e mos folin moris ema kiak nian. Liña kiak nasional nian sa'e liu 80%, husi \$25.14 kada ema iha fulan ida iha 2007 ba \$46.37 kada ema iha fulan ida iha 2014. Iha rai laran tomak, liña kiak nian as liu iha Dili, sidade nebe ho ema barak liu.

## LIÑA KIAK NASIONAL

PPMTL-3 hatudu katak iha 2014, ema menus husi 42% moris iha kiak iha Timor-Leste. Maske ida ne'e proporsaun populasaun nebe sei as, maibe reprezenta progresu ida ne'ebe diak. Kiak tun kuaze ponto pursentu 9 husi 50.4% iha 2007.



## LIÑA KIAK INTERNASIONÁL

Uza liña kiak ekstremu internasional nian, ne'ebe kiük liu husi liña kiak nasional, maka 30.3% deit husi populasaun iha 2014 maka kiak. Idia ne'e kompara ho 47.2% husi ema ne'ebe moris iha liña kiak internasional nian okos iha 2007. Sasukat idia ne'e hatudu númeru kiak nian tun pontus 16.9 pursentu (ka pontu 2.4 pursentu iha tinan ida).